

eth TRICICLE



APLEC DETH CARGÒLH 2025



Vos agraden es cargòlhs? Quauques persones les tròben deliciós[■] e a d'utes les hèn hàstic. Sigue coma sigue, en mai se pòt visitar er Aplec deth Cargòlh de Lhèida, ua hèsta damb mès de quaranta ans d'istòria.



▲ Ua penha en Aplec

Er Aplec d'enguan[■] a agut recòrd[■] de visitants e de penhes, ei a d'ider, grops d'amics que s'amassen entà codinar cargòlhs e minjar-se-les. En totau, aquesti dies se n'an minjat 13 tones! Les codinen sustot ara lhauna damb òli, sau, pebe, alh e ginverd.

En Aplec tanben se hèn d'utes activitats coma passaviles damb grops de musica e fanfarses.[■] Com qu'era hèsta va creishent, aquest an era organizacion a agut de pensar naues mesures entà garantir[■] era seguretat de toti.



En qué consistís er Aplec deth Cargòlh de Lhèida? | A mès de minjar cargòlhs, qué mès se pòt hèr en Aplec? | Perqué cres que i a persones a qui les agraden molt es cargòlhs e d'autess a qui non les agraden bric?

aplec: trobada de persones entà celebrar ua hèsta.

deliciós: plan bon.

enguan: aquest an.

recòrd: resultat que supèr totis es anteriors.

fanfara: grop de musica format per instruments de vent e de percussion entà animar es hèstes de carrèr.

garantir: assegurar.



TRUMP ASSENHALE AS UNIVERSITATS

Era Universitat Harvard li a plantat cara



Despús der anonci de retalhades que haràn a perilhar projectes de recèrca, ara eth Govèrn des Estats Units torne a atacar as universitats. Les menace de rebaihar-les eth finançament[■] se non hèn cambis en curriculum[■] e certans contròtles en alumnat e eth professorat.

Es universitats ac considèren ua intromission[■] grèu, mès quauqu'ues an cedit a bères exigéncias entà non veir a quèir en picat es sòns fons. Era prestigiosa Universitat Harvard, totun, s'i a negat deth tot, e eth Govèrn li a impedit matricular[■] a alumnes estrangèrs, perque ditz que pòden èster antiamericans e proterroristes.

Coma resposta, era universitat a demandat ath Govèrn: assegure qu'era mesura ei illegau e injustificada, e que se tracte d'ua represalha[■] per non auer acceptat aquestes intromissions. Harvard a uns sèt mil estudiants estrangèrs que i apòrten ingrèssi e que, s'era mesura s'aplique, poderien auer d'abandonar eth país tanben.



Com a plantat cara ath Govèrn des Estats Units era Universitat Harvard? | Quines conseqüéncias aurie entà Harvard non poder matricular estudiants estrangèrs? | Qué cres que pòden aportar a ua universitat es estudiants estrangèrs?

finançament: sòs destinats a ua institucion, un servici, etc.

curriculum: contenguts que s'impartissen en ua assignatura, cors o carrèra universitària.

intromission: intervencion de quauquarrés en un ahèr que non li correspon.

matricular: apuntar en un centre d'ensenhament.

represalha: accion que se hè contra quauquarrés coma revenja.



VOCABULARI

consolidar: assumir, assegurar.

usatge social: utilizacion enes relacions entre persones o laguens dera societat.

prejudici: idea preconcebuda, que non se base ena realitat.

empedir: hèr impossible.



Mès informacion:
<https://bit.ly/4dFaz64>



21 DIES PARLANT CATALAN DAMB TOTI



Ueit entitats promèn ua iniciativa entà refortilhar eth catalan

Segontes es estudis, s'an de besonh uns 21 dies entà consolidar ua naua abitud. Per aquerò, ueit entitats an plantejat eth rèpte de parlar tostemp en catalan a toti pendent 21 dies, entà acostumar as persones catalanoparlantes a non cambiar de lengua.

D'un costat, se preten impulsar qu'aguestes persones mantenguen eth catalan quan quauquarrés se les adrece en castelhan, pr'amor que moltes acostumen a cambiar tath castelhan sense pensar-i. Mès continuar parlant en catalan en aquestes situacions ei important entà refortilhar aquesta lengua enes usatges socials.

De ua auta, aquesta propòsta tanben vò ajudar a trincar prejudicis. Moltes persones de pèth fosca o damb accent estrangèr, per exemple, asseguren qu'era majoria de catalanoparlants les parlen en castelhan, tanben quan son eres es que hèn a servir eth catalan d'entrada. Aquesta actitud pressupòse que non l'enten en e les empedis practicar-lo.



Quina iniciativa s'a proposat entà impulsar er usatge deth catalan? Sus quines dues actituds vò conscienciar aquesta iniciativa? | Quines motivacions penses que mos hèn a voler apréner ua naua lengua?



MORÍS ETH FOTOGRAF SEBASTIAO SALGADO

Era sua fotografia expressaue compromís damb es tèmes socials e ambientaus

autodidacta: que se hè sense era ajuda d'un mèstre.

amazonic: dera Amazònia, ua extensa region naturau d'America deth Sud.

preservacion: proteccion, defensa.

biodiversitat: varietat de vida animau e vegetau.



Mès informacion:
<https://bit.ly/4kBml3s>

Eth dia 23 de mai moric Sebastiao Salgado, un des fotografs mèns importants deth mon. Salgado neishc en Brasil e se convertic en fotograf de manèra autodidacta. Pendent decades, es sues fotografies meritèren diuersi prèmis internacionaus, com ara eth World Press Photo.

Salgado ère plan coneishut pes sues fotografies en blanc e nere, e dediquèc era vida a fotografiar guèrres e conflictes socials destacats per tota era planeta. Sustot, totun, se li rebrembarà pes sues fotografies de paisatges, especiaument dera seua amazonica, que fotografièc damb er objectiu de defener-ne era preservacion e era biodiversitat.

Salgado exposèc en musèus e galeries de tot eth mon, trebalhèc per diuerses agències internacionaus e es sues fotografies sigueren portada de moltes revistes de gran prestigi. A morit de malautia tàs 81 ans en París, ciutat a on viuie.



Qui ère Sebastiao Salgado? | En quin tipe de fotografia s'especializèc? Cres qu'era fotografia pòt ajudar a entèner es conflictes socials? Perqué?



▲ Salgado en ua exposicion. Fòto: EFE



ARRIBE ERA CALOR DER OSTIU



Después d'ua sequèra plan longa, abriu e mai sigueren plan plojosi. A estat ua bona notícia entàs bòsqui, es coitiús, es arrius e es restanques. Mès ara ja arribe eth torn dera calor fòrta der ostiu.

Era prevision meteorologica assenhale era arribada d'aire plan caud deth nòrd d'Àfrica. Per aquerò aquesta setmana probablament sigue mès calorosa que d'abituda. En junh es plojes escassejaràn e en tota era península Iberica predominaràn es temperatures nautes.

Ei normau qu'en ostiu hèsque calor, mès es darrèrs ans cada còp ne hè mès. Ua dada qu'ei estretament relacionada damb eth cambi climatic e que hè que prengam consciència deth besonh de combater-lo.



Quin pronostic de temps i a entàs propèrs dies? | Perqué eth temps d'abriu e eth de mai a estat positiu? | T'estimes mès que hèsque fòrça calor o fòrça heired? Perqué?



VOCABULARI



▲ Damb era calor, es plages de Barcelona s'emplissen de gent. Foto: Jordi Otix

plojós: damb moltes plojes.

prevision meteorologica: descripcion deth temps que harà.

escassejar: èster escàs, auer-n'i pòc.

predominar: èster eth mès abondós.

blanc-e-blu: der Espanhòu.

prometedor: apassionant, entossiamador.

periquito: der espanhòu.

permanéncia: continuïtat, hèt de posar-se a on ei.

economic: relacionat damb es sòs.



ER ESPANHÒU MANTEN ERA CATEGORIA

Ua victòria contra Las Palmas sauve ara equipa



Er Espanhòu non a hèt ua bona tempsada e a patit enquiara fin entà continuar en prumèra division. En darrèr partit de liga, es blancs-e-blus se jogauen era darrèra carta entà artenhé'c: ganhar ara equipa de Las Palmas.



▲ Es afeccionats envadissen eth camp un viatge artenhuda era permanéncia. Foto: 3Cat

Es afeccionats sautèren en camp e lheuèren a Joan Garcia. Eth portèr de Sallent a estat clau aquesta tempsada, mès segurament marcharà deth club, pr'amor qu'a bones aufèrtes economics que tanben poderien ajudar molt ar Espanhòu.

Er inici deth partit non siguec prometedor. Las Palmas dominaue eth jòc e es afeccionats periquitos se mossegauen es ungles. Mès ena dusau part er Espanhòu se'n gessec. Prumèr, Javi Puado merquèc un gòl de penalti, que hec a enlhocardir ara grada. Después, Pere Milla merquèc eth dusau gòl. E Las Palmas demorèc a zèro.

Es jogadors celebrèren era permanéncia damb ua alegria desbordanta.



Perqué eth partit contra Las Palmas ère tant important entar Espanhòu? Perqué era afeccion periquita passèc multi nèvis ena prumèra part? Qué cres que hè que sigues seguidor d'ua equipa o de ua auta?



Mès informacion:
<https://bit.ly/4dHBX3w>



JUGUEM!

Anem a l'antiga Roma

Busca les equivalències d'aquests nombres romans i resol les operacions.

XIV XII + XX
 CXXIV LIV + XVI
 LXIII XIII + VIII
 LXXII LVII - XI
 CMX CVII - IX
 MDII MV + XV
 MCCDXXXI



Ho saps?

Quin animal d'aquests és un paquiderm?



Agrupar les paraules

Agrupar aquestes paraules per temes. Posa un títol a cada grup.

préssec, bicicleta, gris, porta, autobús, turquesa, beix, daurat, mango, pinya, finestra, vaixell, platejat, llimona, fúcsia, sostre, tren, bany, paret, mandarina, indi, albercoc, cotxe, avió, cuina.

Títol	Títol	Títol	Títol

Per pintar



Enigma matemàtic


Si penses i calcules, podràs trobar el valor de cada figura i resoldre aquest enigma matemàtic.

				→	___
				→	___
				→	30
				→	21

↓ ↓ ↓ ↓

29 27 ___ ___

___ ___ 9 7 ___



el tricicle

Aprenentatge significatiu i vivencial

Una publicació de:

Tracte Comunicació Global
 Passeig Bertrand, 25, 2a
 08980 Sant Feliu de Llobregat (BCN)
 Tel. 619 787 788 - 93 782 45 13
 eltricicle.cat
 eltricicle@eltricicle.cat

el tricycle

Setmanari per a nens i nenes

Una publicació de:

Tracte Comunicació Global
Passeig Bertrand, 25, 2a
08980 Sant Feliu de Llobregat (BCN)
Tel. 619 787 788 - 93 782 45 13
eltricycle.cat
eltricycle@eltricycle.cat



SOLUCIONS N. 330

Anem a l'antiga Roma


Busca les equivalències d'aquests nombres romans i resol les operacions.

XIV 14 XII + XX 32
CXXIV 124 LIV + XVI 70
LXIII 63 XIII + VIII 21
LXXII 72 LVII - XI 46
CMX 910 CVII - IX 98
MDII 1502 MV + XV 1020
MCCDXXXI 1281



Ho saps?

Quin animal d'aquests és un paquiderm?



Agrupar les paraules

Agrupar aquestes paraules per temes. Posa un títol a cada grup.

préssec, bicicleta, gris, porta, autobús, turquesa, beix, daurat, mango, pinya, finestra, vaixell, platejat, llimona, fúcsia, sostre, tren, bany, paret, mandarina, indi, albercoc, cotxe, avió, cuina.

Casa	Fruites	Colors	Transport
porta	préssec	gris	cotxe
finestra	albercoc	turquesa	tren
sostre	mango	beix	avió
paret	pinya	daurat	bicicleta
bany	llimona	platejat	autobús
cuina	mandarina	fúcsia	vaixell
		indi	

Enigma matemàtic

Si penses i calcules, podràs trobar el valor de cada figura i resoldre aquest enigma matemàtic.

				→ 23
				→ 30
				→ 30
				→ 21

↓ ↓ ↓ ↓
29 27 23 25

5 8 9 7 3

